



Beeld: ©NP/Hollandse Hoogte/Robin Utrecht

16 februari 2024

Inicio di un año nobo ta duna espacio pa reflexion. Nos por mira patras riba un año unda a tuma paso importante den e proceso despues di e komma. Hunto nos ta traha duro pa un futuro unda ta duna husticia na herencia di pasado di esclavitud. Aunke e pasonan aki no semper tabata directamente visibel, nan ta crucial pa mas progreso. Nos meta ta keda pa haya un balans entre logra resultado concreto y traha riba esaki cu cuidou y inclusivamente.

Fin di 2023 e resultadonan di eleccion a surgi pregunta tocante kico lo ta e sosten politico di un kabinet nobo pa tema manera historia di esclavitud. Te ora formacion tuma lugar, resultado di esaki ta incierto. Te ora un kabinet nobo tuma posicion, e kabinet demisionario aki ta sigui avansa sin stop cu e esfuersonan actual. Hunto cu descendencia y otro interesado, nos lo sigui yena e accionnan di reaccion di kabinet y tuma mas paso concreto posibel.

Bayendo bek na e contenido di e reaccionnan despues di e komma: e ultimo kwartal nos a sostene, hunto cu e buro di estudio TrueTalk, 270 combersacion cu persona directamente involvi cu pasado di esclavitud. Nos a papia especificamente tocante e ideanan cu ta biba tocante conmemoracion y ki iniciativa social mester bin cu tin impacto riba engrandece conocimiento, conscientisacion, reconocimiento, herencia, y manejo di pasado di esclavitud. Ta importante pa uza e aporte di comunidad pa forma e reglamento pa iniciativa social y e Comision di Conmemoracion. Asina nos ta sigura cu nos ta yega na conclusionnan corecto y obhetivo. Kico a resulta di e combersacionnan aki y kico nos ta haci cu nan, nos ta conta mas riba esaki den e boletin di noticia aki.

Nos a cuminsa e año aki cu un sesion atrobe hopi valioso caminda mas o menos 70 descendiente y persona directamente involvi a reuni den teatro Diligentia pa comparti nan bista tocante e paso cu a tuma den e proceso despues di e komma, te awe. Tambe nos a discuti cu nan e concepto di reglamento pa iniciativa social pa Hulanda Europeo y e conturonan cu ta cla awor pa e comite di conmemoracion den henter reino.

Bo tambe kier papia tocante e concepto di reglamento? Esaki ta posibel, for di 12 di februari e reglamento ta drenta den un periodo di consulta riba internet pa un periodo di 30 dia. Mas informacion tocante esaki, como tambe Comite di Conmemoracion, bo por haya den e boletin aki.



### Sesion di dialogo

Nos coleganan ambtenaar a papia hopi durante e ultimo aña cu descendiente y persona directamente involvi, y nan a recopila bon imagen cu mester tene cuenta cu ne pa duna forma na e espacio despues di e komma; entre otro, tocante e reglamento pa iniciativa social y e comite di conmemoracion.

Pa 'valida' y determina e imagennan aki cu nos a scohe, nos a realiza un estudio cualitativo. Aki nos a amplia nos compañenan di combersacion, dor di, banda di personanan cu ken nos como programa ta den contacto, papia tambe cu hende riba caya, hoben y bieu, y tambe pafor di Randstad. Tin biaha tin sospecho tocante e papel di gobernacion. Un dialogo for di un buro di estudio neutral ta un metodo fuerte pa yega na insight.

A tene combersacion cu 270 descendiente, reparti riba 18 dia di dialogo y algun online, caminda prioridad tabata cu tur hende por participa. E dialogonan principal tabata individual, pero tambe a suplementa esakinan cu combersacion di mesa rondo y Café Bepp. Un metodo di e buro di estudio TrueTalk. Den esaki, ta pidi hende den nan ambiente natural pa bay den combersacion. TrueTalk, por ehempel, a bishita centro di bario of mercado diferente luga na Hulanda, caminda nan a instala un facilidad di estudio chikito na un setting domestico.

Den e estudio aki a tuma den consideracion edad, involucramento organisativo y emocional, y background cultural. Den esaki, e buro di estudio a wak pa inclui tur comunidad di descendencia.

Durante e combersacionnan, nos ta tende y mira cu e consecucionan di nos pasado ainda ta visibel y sencibel den presente. Nos ta tende y mira cu tin atraso den posicion social di e comunidad, por ehempel riba tereno di vivienda, educacion y mercado di trabou. Den e factsheet aki ta topa cu un resumen di e imagennan cu e estudio a ofrece. E resultadonan aki a forma parti di nos preparacion di e reglamento di subsidio. E reglamento aki mester ta di acceso facil pa organisacion grassroot, pa nan no keda atrapa den proceso di aplicacion complica.

Tambe nos ta tuma e insightnan na cuenta ora ta trata conmemoracion. E comite di conmemoracion den henter Reino ta ricibi e insightnan cu nos a adkiri aki como punto di salida.

E amplio deseo ta cu e conmemoracion ta algo cu ta di tur hende. Manera riba 4 y 5 di mei. Y cu ta alcanza tur Hulandes. Pasobra ta specialmente esaki ta reforsa comprension mutuo y por trece conexion entre e comunidadnan 'cla' y 'scur'. "Ta hiba na solidaridad. Reconocimento y igualdad." Finalmente, ta importante cu e diversidad cultural grandi den e diferente comunidadnan tambe pas den e conmemoracion comun.



### Stand van zaken – reglamento pa subsidio iniciativa comunitario

Den e reaccion di kabinet riba 19 di december 2022 riba e rapport "Ketenen van het Verleden" (Cadena di Pasado) kabinet a anuncia un reglamento di subsidio. E reglamento aki tin como meta pa sostene iniciativa social cu ta enfoca riba conscientisacion, reconocimiento, conmemoracion, of impacto di historia di esclavitud Trans-Atlantico.

Pa e reglamento aki, a pone €100 miyon un biaha solamente disponibel. E €100 miyon disponibel ta parti den tres seccion: €33,3 miyon pa Hulanda Europeo, €33,3 miyon pa e parti Caribense di Reino, y €33,3 miyon pa Suriname.

Pa yega na bon punto di salida pa e reglamento di subsidio, a tene combersacion cu diferente persona y organisacion for di comunidad involvi. Y e dialogonan cu 270 descendiente, reparti den henter Hulanda Europeo di diferente grupo di edad, a hiba na bon insight. E reglamento aki mester ta di acceso facil pa organisacion grassroot, pa nan no keda pega den proceso di aplicacion complica.

E reglamento tin un atencion special pa stimula organisacion grassroot di descendencia y comunidad involvi. Door di uzo di un voucher, nan por profesionalisa y reforsa nan organisacion.

Ademas, e reglamento ta destina pa iniciativa social cu ta enfoca riba refuerzo di e comunidad di descendiente di hende esclavisa y pa celebra y amplia nan resistencia;

Pero tambe pa proyecto mas grandi cu tin un impacto considerabel riba aumento di conocimiento, conscientisacion, reconocimiento, conmemoracion, y maneho di e efectonan di pasado di esclavitud.

Lo formula reglamento separa pa e parti Caribense di Reino y pa Suriname. Pa e reglamento di e parti Caribense di Reino, ta spera cu e puntonan di salida for di e reglamento di Hulanda Europeo por ser tuma over.

### Planificacion

- For di 12 di februari, e reglamento ta drenta den un periodo di consulta riba internet pa un periodo di un luna. Na februari bo por reacciona via e [link](#) aki.
- Pa 1<sup>e</sup> di juni, e reglamento lo wordo publica den Staatscourant.
- Pa 1<sup>e</sup> di juli, e prome periodo pa aplicacion lo habri. En total tin 6 periodo pa aplica.
- Pa e parti Caribense di Reino ta spera cu e reglamento por ser anuncia den zomer di 2024. E reglamento pa Suriname lo ser publica na un momento despues. Meta ta pa haci esaki si den 2024.

### **Stand van zaken – Comité di Conmemoracion**

Manera anuncia den e Reaccion di Kabinet (Kabinetsreactie) di 19 di december 2022, lo forma un comite di conmemoracion den henter Reino, cu ta wak pa e realisacion y organisacion di un conmemoracion di pasado di esclavitud grandi, digno y continuo.

Tin e deseo pa pone e comite di conmemoracion operacional na siman grandi di 2024. Formacion ta tuma lugar den bon dialogo cu comunidad. Banda di e conseheronan directamente involvi, tambe a haci encuesta entre 270 descendiente tocante e topico aki den sesion di dialogo.

Mayoria grandi di participante den e combersacionnan no tabatin un imagen concreto tocante conmemoracion of iniciativa. E liña cora tabata na un nivel mas profundo; hopi participante tabata papia tocante e problema mas grandi di desigualdad cu iniciativa of forma di conmemoracion mester trata. A papia hopi mas tocante reconocimiento y coneccion. Reconocimiento no tabata solamente tocante e reconocimiento di henter e storia di esclavitud, pero tambe tocante reconocimiento di e impacto socio-economico, social y psicologico cu pasado di esclavitud ainda tin den bida di descendiente. Reconocimiento ta crea tambe espacio pa coneccion entre y den comunidad (cla y scur).

Pa hopi hende, herencia aki 10 aña mester muestra cu tambe Hulandes color cla ta sinti nan mes involvi. Algo "cu ta di tur hende". "Mester alcansa tur Hulandes cun'e." Esaki ta reforsa comprension mutuo y por trece coneccion entre e comunidadnan 'cla y scur. "Ta yega na solidaridad, reconocimiento y igualdad." E gran diversidad cultural di e diferente comunidad tambe mester pas den e conmemoracion.

Conmemoracion ta importante, segun e estudio, e ta duna espacio pa pensa, y pa ta hunto. Pa comparti storia. Y tambe, pa celebra libertad hunto (maske esaki no mester ta riba mesun dia pa tur hende). "Conmemoracion ta, nunca lubida pasado. Muestra respet pa loke a sosode."

Tur e insightnan aki y mas ta duna un bon punto di salida pa e comite di conmemoracion pa cuminsa nan trabou. Actualmente ta studia contenido di e comite.

### **Campaña online 'Historia, di nos tur'**

Mas combersacion entre hende y conscientisacion tocante nos pasado comun. Cu e meta aki, Ministerio di Enseñansa, Cultura y Ciencia a cuminsa na december cu e campaña online Historia, di nos tur ('Geschiedenis, van ons allemaal'). Den e campaña aki, relato personal di hende tocante pasado di sclavitud y e impacto di esaki den presente ta e tema principal. [Cantante Shirma Rouse y director di pelicula Safi Graauw](#) a duna e comienso, door di papia entre nan riba nan historia familiar y e importancia di conmemoracion. Mientrastanto e combersacion entre docente [Lucelle Comvalius y ilustrador George Adegite](#) tambe a ser publica. Comparti e relatonan aki ta parti di e Aña di Conmemoracion di Sclavitud. Den e proximo temporada, lo tin mas duo cu ta conta nan historia. Asina Hesdy Lonswijk (director), Carmen Felix (escritor), Lucas Eleuwarin (diseñado di moda), Jill Mathon (escritor), Prof. Soortkil (entre otro escritor), Lex Bohlmeijer (presentador), Stefanie Albertzoon (actora y artista) y Charissa Chotoe (presentador y poeta) ta conta nan perspectiva tocante pasado di sclavitud. E relatonan ta ser comparti riba OCW-verhalen.nl y e canal di medio social di e ministerio.

Minister Robbert Dijkgraaf (Enseñansa, Cultura y Ciencia) tocante e campaña aki: "Nos conoce e forsa di relatonan for di tempo di comienso di humanidad. For di mi mes experiencia, mi sa cu hopi hende ta dispuesto pa combersacion tocante nos pasado comun, y tambe con dificil esey por ta pa haya e palabranan corecto. Esaki por ta un barera. Mi speransa ta cu e relatonan personal aki, conta for di diferente perspectiva, nos por baha e barera ey y logra coneccion. Awor, esaki ta posiblemente mas importante cu nunca antes."



### **Representante Special Pasado di Sclavitud pa Suriname**

E seis bishitanan na Suriname di e Representante Special Pasado di Sclavitud (Speciaal Gezant Slavernijverleden), Frederique de Man, a tuma luga e biaha aki hunto cu e Cabesante di Oficina di Democracia di Ministerio di Asunto Interno y Asunto di Reino, Thomas Zandstra. E bishita combina aki tabata hopi necesario pa intercambio substancial y parti conocimiento, entre otro, pasobra tabatin intercambio di conocimiento intensivo entre descendiente na Suriname y na Hulanda.

Hopi di e combersacionnan tabata enfoca riba e Plataforma Pasado di Sclavitud (den formacion). E plataforma aki consistiendo di representantenan di algun organizacion social lo tuma liderato den e dialogo tocante contenido di e maneho despues di komma y e gastonan di e dos fondonan.

Frederique de Man y Thomas Zandstra a bishita tambe algun plantacion y a tene combersacionnan cu descendiente.

### **Secretario di estado Alexandra van Huffelen den combersacion cu descendiente na Leeuwarden y Vlissingen**

Como autoridad coordinador pa e programa di pasado di sclavitud y proceso 'despues di e komma', secretario di estado Alexandra van Huffelen ta bishita diferente luga unda pasado di sclavitud ta hunga un papel historico, cada luna. Den e periodo reciente, el a bishita Leeuwarden y Vlissingen.

Dia 13 di december el a papia hunto cu e comite 30 di juni/1 di juli y burgemeester

Sybrand Buma na Leeuwarden tocante e impacto y consecuencia di pasado di sclavitud. Nan a bishita un obra di teatro yama 'Tinten'. Un obra cu ta discuti e influencia di color di cuero dor di comparti un storia personal y tene un combersacion habri cu hoben.

'Ta mi speransa cu esaki ta e ultimo generacion cu tin cu enfrenta discriminacion y racismo. E bishita aki ta muestra cu nos mester sigui inverti den esaki pa sigura un posicion igual pa tur hende den nos comunidad', asina e secretario di estado a bisa.

Dia 8 di januari 2024 el a bishita Museo Maritimo na Vlissingen. Eynan el a papia cu algun descendiente tocante pasado di sclavitud aki y awor. Combersacion impactante cu ta muestra cu reconocimiento y conmemoracion ta esencial pa un comunidad husto.

Y dia 29 di januari 2024, e secretario di estado a bishita Delft, e ciudad cu dia 19 di december 2023 tambe a pidi disculpa pa su papel den pasado di sclavitud. Na e ciudad, el a topa cu investigador, e wethouder responsabel, pero specialmente tambe cu e comite di pionero y descendiente cu ta biba den e ciudad. Nan a papia tocante e impacto local di pasado di sclavitud riba e comunidad moderno y kico sigun nan nan ta necesario. Un di e iniciativanan planea di e ciudad ta e formacion di un luga di conmemoracion.



#### **Finalmente**

Tin algun tema cu bo ta desea di lesa atrobe den e boletin di noticia of bo kier papia cu nos? Nos lo aprecia di tende esaki. Por tuma contacto cu nos via:

[PostbusProgrammaSlavernijverleden@minbzk.nl](mailto:PostbusProgrammaSlavernijverleden@minbzk.nl)